



Aningaasaqarnermut Naalakkersuisoq

Ulloq: 14. november 2016
J.nr.: 01.31.06/16-00737

Aningaasaqarnermut Akileraartarnermullu Ataatsimiititaliap pingasunngornermi ulloq 11. november 2016-imi aalajangiineranik Naalakkersuisunut ilisimatitsineq.

Aatsitassanut Naalakkersuisumik nutaamik toqqaanermut atatillugu Aatsitas-sanut Ikummatissanullu Naalakkersuisoqarfimmut aningaasartuuteqarneru-nissaq - Suliaq nr. 01.31.06/16-00737.

”Naalakkersuisut **inassutigaa**,

- kontumi pingaarnermi 20.11.50 Ingerlatsineranut sillimmatit, 2016-imut Aningaasanut inatsimmi aningaasaliissutit 240.000 koruuninik ikilisinneqassasut,
- kontumi pingaarnermi 67.01.01 Aatsitassanut Ikummatissanullu Naalakkersuisoqarfik, 2016-imut Aningaasanut inatsimmi aningaasaliissutit 240.000 koruuninik amerlisinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

Soqanngilaq.


Aningaasaqarnermut Akileraartarnermullu Ataatsimiititaliap aalajangiinera

Tamanna tunngavigalugu siunnersuut akuerineqassasoq **ataatsimiititaliami amerlanerus-suteqartut Siumup Inuit Ataqtigigillu ilaasortaataasa** inassutigaa.

Aningaasaqarnermut Akileraartarnermullu Ataatsimiititaliami ikinnerussuteqartut Demokraatit ilaasortaataat ikinnerussuteqarluni ima oqaaseqaateqassaaq:

Pisortat ingerlatsinerata annertusitinneqarnissaa Demokraatit kissaatiginngilaat – isumaqarpugullu Naalakkersuisunut ilaasortat qulinggortinneqarnissaannik aalajangiinikkut inuiaqatigiit aningaasaatai killeqaqisut kukkusumik pingaarnersiorneqartut. Isumaqarpuguttaaq immikkut aningaasartuutaanerussutaasup taassuma ingerlatsineranut sillimmatinit aningaasalersorneqarnera kukkunerusoq. Aaqqiissutaasinnaasoq tassaavoq aatsitassanut suliaasaqarfiup suliaasaqarfimmut allamut ataatsimoortinneqarnera, taamaalillugillu Naalakkersuisut suliaasaqarfii qulingiluannngorteqqinneqarlutik. Annertusisitsineq taamaattoq nunatta karsianut aningaasarpassuarnik inuiaqatigiinnut atorneqartariaqaraluartunik akeqassaaq. Taama annertusisitsineq Naalakkersuisunut ilaasortat qulingata immikkut akissarsiaqartinneqarnissaanik, biileqartinneqarnissaanik, atorfilittat nutaat akissarsiaqartinneqarnerannik il.il. kinguneqassaaq. Aningaasaqarnermik sukangasuumik aqutsilersaarlutik Naalakkersuisut oqarnerat, taamaakkaluartorli aningaasaatitsinnik killeqaqisunik nunatsinni ineriartornermut siuariartornermullu iluaqutaanngitsumik ingerlatsineranut atuinerat Demokraatinit eqqarsarnartoqartinneqarpoq.

Med venlig hilsen



Jens Immanuelson
Formand for Finans- og Skatteudvalget